



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

---

**A-174-4/23**

**11.05.2023. godine**

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

**ODLUKU**  
**o izboru najpovoljnijeg ponuđača**

**Član 1.**  
**(Predmet odluke)**

Ugovor o nabavci kancelarijskog materijala za potrebe Tužilaštva-Tužiteljstva BiH, dodjeljuje se ponuđaču Elkom d.o.o. Vitez.

**Član 2.**  
**(Kriterij za dodjelu ugovora)**

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji/zahtjevu za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

**Član 3.**  
**(Stupanje na snagu)**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-174/23 od 13.04.2023. godine. Javna nabavka je provedena putem konkurentskog zahtjeva za dostavu ponudu. Procijenjena vrijednost nabavke je 49.000,00 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-84-3-17/23 od 19.04.2023. godine, i u Službenom glasniku BiH broj: 28 od 24.04.2023. godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljeno je sedam (7) uredno zapečaćenih i

neotvorenih ponuda ponuđača: Primaprom d.o.o. Banja Luka, PlanPlus d.o.o. Zenica, Merolla d.o.o. Doboj, Elkom d.o.o. Vitez, Inter-com d.o.o. Zenica, R&S d.o.o. Vogošća i Aero-Exclusive d.o.o. Sarajevo

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2023. godinu, broj: A-438/22 od 01.12.2022. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača zadovoljavaju uslove tenderske dokumentacije/zahtjeva i tehničke specifikacije, te se dostavljene ponude smatraju prihvatljivim. Početne ponude ponuđača su iznosile: Aero Exclusive d.o.o. Sarajevo 46.404,04 KM bez PDV-a, Merolla d.o.o. Doboj 48.349,60 KM bez PDV-a, PlanPlus d.o.o. Zenica 48.464,50 KM bez PDV-a, R&S d.o.o. Vogošća 48.529,58 KM bez PDV-a, Primaprom d.o.o. Banja Luka 48.648,08 KM bez PDV-a, Inter-com d.o.o. Zenica 48.847,60 KM bez PDV-a i Elkom d.o.o. Vitez 48.850,10 KM bez PDV-a.

Tenderskom dokumentacijom/zahtjevom je bila predviđena e-aukcija koja je i održana dana 10.05.2023. godine. Nakon e-aukcije, konstatovano je da su ponuđači: Elkom d.o.o. Vitez, R&S d.o.o. Vogošća, Inter-com d.o.o. Zenica, Merolla d.o.o. Doboj i PlanPlus d.o.o. Zenica ponudili nižu cijenu od inicijalno dostavljene, dok ponuđači: Aero-Exclusive d.o.o. Sarajevo i Primaprom d.o.o. Banja Luka nisu aktivno učestvovali. Komisija je utvrdila da je e-aukcija u ovom postupku uspješno završena, te da je nakon završetka e-aukcije najjeftinija ponuda ponuđača Elkom d.o.o. Vitez, čija cijena nakon e-aukcije iznosi 26.000,00 KM bez PDV-a.

Shodno navedenom, Komisija predlaže rukovodiocu ugovornog organa da donese odluku o dodjeli ugovora ponuđaču Elkom d.o.o. Vitez, čija ponuda ispunjava uslove za nabavku predmetne robe.

Uzimajući u obzir navedeno, odlučeno je kao u dispozitivu odluke.

#### **Pouka o pravnom lijeku:**

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđaču;
- Odjelu za mat.-fin. poslove.

